




Adolygiad Diogelu Unedig Sengl Single Unified Safeguarding Review

Croeso i rifyn mis Ebrill o Fwletin Adolygiad Diogelu Unedig Sengl.

Rydym wedi bod yn brysur y mis hwn yn paratoi at y Digwyddiad Lledaenu Gwybodaeth ADUS cyntaf a fydd yn cael ei gynnal ar 20 Mai yn Llandudno. Rydym yn gobeithio gweld nifer ohonoch yno! Gofynnwn ichi barhau i rannu eich safbwyntiau a'ch adborth ynghylch y bwletinau hyn. Rydym yn gwerthfawrogi pob sylw a ddaw i law.

Newyddion



Gyda chymorth Dadansoddwr Plismona yng Nghymru, mae Hwb Cydgysylltu ADUS yn gweithio ar ddatblygu Dangosfwrdd Data ADUS. Bydd y Dangosfwrdd yn caniatáu i ddefnyddwyr gael gafael ar wybodaeth am sawl agwedd ar ADUSau yn gyflym ac yn hawdd, gan gynnwys faint sydd wedi'u comisiynu, eu statws, math o adolygiadau o dan sylw, data ynghylch Adolygwyr a Chadeiryddion a gwybodaeth am argymhellion, gan gynnwys themâu a statws cwblhau. Bydd modd dadansoddi'r cyfan yn ôl rhanbarth ac asiantaeth. Bydd gwaith yn parhau ar y Dangosfwrdd gan geisio sicrhau y bydd ar gael ar dudalen we ADUS yn y dyfodol agos.

BWLETIN MISOL

EBRILL 2025

ADUSau wedi'u comisiynu

Mae'r Hwb Cydgysylltu wedi cael 7 hysbysiad ADUS y mis hwn, gan ddod â chyfanswm yr ADUSau sydd wedi'u comisiynu ers 1 Hydref i 21.



Ymarfer Plant: 13

Ymarfer Oedolion: 3

Yn ymwneud â Cham-drin

Domestig: 3

Yn ymwneud ag Ymarfer Oedolion

a Cham-drin Domestig: 1

Lladdiad Iechyd Meddwl: 1

Newyddion da

Mae adborth cadarnhaol ynghylch Canllawiau Statudol ADUS wedi dod i law gan un o'r Byrddau Diogelu Rhanbarthol:

Rydym yn teimlo bod y canllawiau statudol yn arbennig o ddefnyddiol o ran darparu'r manylion ychwanegol angenrheidiol mewn perthynas â rhannu gwybodaeth, nad oeddent o bosibl wedi'u cynnwys yn y canllawiau blaenorol ar Adolygiadau Ymarfer Plant / Adolygiadau Ymarfer Oedolion.

Mae'r canllawiau yn darparu gwybodaeth fwy pendant ynglŷn â rhannu gwybodaeth, gan ei gwneud hi'n haws i rai o'n partneriaid ddeall eu rhwymedigaeth o ran hyn. Yn y canllawiau blaenorol, roedd hyn ychydig yn llai clir gan felly achosi ychydig o bryder ymysg partneriaid.

Er enghraifft, lle rydym wedi cyfeirio at rannu gwybodaeth mewn Cylch Gwaith Fforwm Proffesiynol Amlasiantaethol (MAPF) penodol, pan wnaeth tîm cyfreithiol lleol groesgyfeirio hyn, roeddent yn hapus â'r eglurder a ddarperir yn y canllawiau.

Cysylltwch â'r Hwb Cydgysylltu os oes gennych gwestiynau am unrhyw agwedd ar y Canllawiau Statudol.

Hoffem glywed gennych chi!

Rhannwch unrhyw arferion da a nodwyd yn rhan o ADUS â Hwb Cydgysylltu ADUS drwy anfon e-bost i ADUSCymru@llyw.cymru

Hyfforddiant

Yn ogystal â'r hyfforddiant deuddydd a'r Sesiynau Rhwydwaith Cymorth chwarterol, mae Adolygwyr a Chadeiryddion hefyd bellach yn gallu manteisio ar sesiynau mentora. Mae'r rhain wedi'u cynllunio ar gyfer y rhai sydd eisoes wedi'u hyfforddi er mwyn rhannu heriau neu fynd i'r afael ag anawsterau, a hynny ar y cyd â chydweithwyr profiadol eraill a all helpu.

Arferion Da

Yn y Gogledd, mae cyfarfod penodol o'r Is-grŵp Hyfforddiant Diogelu wedi'i drefnu i ddatblygu ymateb i'r themâu sy'n dod i'r amlwg o atgyfeiriadau ac adolygiadau ADUS sy'n mynd rhagddynt.

Yng Ngwasanaethau Cymdeithasol Abertawe, mae gwaith yn mynd rhagddo i ymgorffori dysgu yn dilyn cyhoeddi ADUSau drwy gynnal sesiynau agored a myfyriol gyda thimau y mae'r canfyddiadau yn effeithio arnynt. Bydd yr Hwb Cydgysylltu yn cysylltu â'r rhai sy'n ymgymryd â'r darn hwn o waith i lunio canllawiau arferion da i'w defnyddio gan asiantaethau ledled Cymru.